

Tetun

## **Austrália kalkula iha reseita dolar miliaun rua to'o biliaun ualu hosi Greater Sunrise**

08 de Julho de 2019, 23:17

**Austrália kalkula katak iha reseita ida entre dolar biliaun rua to'o biliaun ualu hosi reseita esplorasaun hosi kampu sira Greater Sunrise, iha Tasi Timor.**



LUSA -- Kálkulu hosi Governu australianu halo parte hosi espozisaun ba motivu sira hosi emenda lejislativu ne'ebé maka Governu australianu apresenta iha parlamentu no ne'ebé tenki aprova antes ratifikasaun, iha Agostu, hosi tratadu permanente ba fronteira tasi sira nian ho Timor-Leste.

"Dezenvolvimentu hosi kampu sira Greater Sunrise nian sei rende ba Austrália reseita ida ne'ebé kalkula iha biliaun rua to'o ualu durante projetu nia moris", refere hosi dokumentu.

"Reseita depende hosi termu sira hosi konseitu dezenvolvimentu ne'ebé maka sei halo entre Austrália, Timor-Leste ho Konsórsiu Greater Sunrise nian ba dezenvolvimentu hosi kampu sira Greater Sunrise nian", refere.

Austrália haree katak "benefísiu finanseiru loloos ba Austrália sei depende hosi fator oioin, inklui konseitu hosi dezenvolvimentu ne'ebé hili, ekonomia projetu nian no folin sira hosi merkadu ne'ebé hala'o ba petróleu ho gás".

"Implementasaun interna hosi Tratadu benefisia Austrália ho fó seguransa ho estabilidade ba investidor sira iha estabesimentu hosi baze legal internacional ida ba dezenvolvimentu nafatin hosi depózitu prinsipal sira hosi petróleu ho gás iha Tasi Timor", nia konsidera.

Canberra sei debate no, karik aprova iha parlamentu, diploma oioin ne'ebé muda pakote alargadu ida hosi lei sira.

Iha kauza maka iha, pelumenus, diploma tolu, ida uluk maka apresenta iha loron 28 Novembru tinan liubá, kona-ba "Mudansa Relevante sira iha Konsekuénsia hosi Tratadu Fronteira Tasi sira nian iha Tasi Timor".

Iha loron 04 Jullu liubá apresenta ona emenda daruak, kona-ba movimentu hosi pasajeiru sira, falta ida datoluk ne'ebé refere ba impostu sira no agora daudaun negosia hela ho empreza relasionadu sira, nune'e sei apresenta iha tempu badak iha parlamentu.

Iha espozisaun hosi motivu sira, Governu australianu rekorda katak tratadu, asina iha loron 06 Marsu, "defini permanente fronteira hosi plataforma kontinental no fronteira hosi zona ekonómiku exkluzivu entre Austrália ho Timor-Leste no permiti ajustamentu futuru hosi limiti sira hosi plataforma kontinental lateral ne'ebé sujeitu ba kondisaun espesífiku sira".